



Maiya fuar Cómrom zaga Síriféloon/Haçi féloon (Female Genital Mutilation/Cutting)

Maiya fuar Cómrom zaga Síriféloon/Haçi féloon hóde ki?

Maiya fuar Cómrom zaga Síriféloon/Haçi féloon óilde zanifúni haçoon yá maiya fuar córom zaga ré cokól bodooloon honó daktori sóbob sára. Yían ót bicí nam ókkol asé, haçi féloon, maiya fuar córom zaga haçi féloon arde rosómi maiya fuar haça síra gorá. Yían maiya fuain dór sehét ólla hótara ar goríbélla zoruri noó.

Zodi tuñí yá tuñí zanodé honíkka hótarat ó folic oré **000** ót koól goró.

Australíat aséde fulic ókkol héfazot ola ar bórusa gorí fare.

Maana, gufoniya mocuwara'lla arde maalumát ollá 1800RESPECT ót koól goró **1800 737 732** ót.

Zodi tuáñrtu maana hotá báñgidouya uggwá lage **131 450** 't koól goró.

Australíat máze daktori modot arde hémayot faaza.

Zodi tuáñre karwaiyi uggwá yé hóraf asór goré tuñí Australíat maana sehét dekbál arde hémayot faiba. Daktori óll, naás óll, oinno daktori fecá óla óll arde masthor óll é tuáñre modot gorí faribóu.

Zodi tuñí fua uggwá faibellá plan gorór dé óile, tuñí daktori, naás yá oinno daktori fecá óla uggwá lói hotáhoi bélla mone gorít faro bicí hémayot faibellá zehón tuñí hámil ar zehón tuáñrtu tuáñr leda fua táke.

Australíat Maiya fuar Cómrom zaga Síri féloon/Haçi féloon dasé uggwá hótor nak jurúm.

Maiya fuar Cómrom zaga Síri féloon/Haçi féloon dasé uggwá hótor nak jurúm. Yían ót, manúic uggwá karwaiyi uggwá fura goríbélla oinno dec ót defeçóon, yá sóulot gorídoon, honíkka ré hémayot yá boldoon ham yían gorí félaibélla.

Jurúm goréde manúic uggwá ziyól ót zai fare, tará morot fua yá maiya fua óuk.

Zodi tuáñre karwaiyi uggwá yé hóraf asór goré, tuáñre modot magi bélla bol diyazar ar yían ólla Australíar kaanun ot sáñza diya nozaibóu.

Oinno hédmot ókkol arde wosáiyel óll asé ziyán é modot gorífare.

Tuñí Maiya fuar córom zaga Síriféloon/Haçi féloon ór baabote maalumát tuai faiba **Maiya fuar Cómrom zaga Síriféloon/Haçi féloon Zanaidiyar baabote Koumi Fonnár Thúlkit (National Education Toolkit for Female Genital Mutilation/Cutting Awareness) wébsáith www.netfa.com.au** ót.

1800RESPECT óilde Australíar koumi jíns ór dóradóri, fémlí arde górwali maramari mocowarar hédmot (Australia's national sexual assault, family and domestic violence counselling service). Yían é maana gufoniya telefún arde onláin mocuwara ar maalumát de. Mocuwara douya ókkol é tuáñr hotá fúnibou ar súal ókkol ór zuab ókkol dibou ar tuáñr nizor zagat aséde oinno hédmotor hañse tuáñre háwala gorí faribóu.

Koól goró **1800 737 732** ót yá **1800RESPECT wébsáith** ót zo **www.1800RESPECT.org.au** ot mazé.

Zodi tuñí yá tuñí zanodé éndila honíkka ré karwaiyi yían ólla oinno dec ót loi zagói yá tuñí karwaiyi goríbélla oinno dec ót loi zargói dé yían hótara bóuli buzó, 24/7 Konselar Emarjensi Senthar (Consular Emergency Centre) ot koól goró **1300 555 135** ot (Australíar tú) yá **+61 2 6261 3304** ót (oinno dec ókkol óttu) yá ebbre hañsór Australíar oinno dec ór mícen ot taaluk goró **dfat.gov.au** ot.

Tuáñrtu hotá báñgidouya uggwá lager né?

Torjuma arde Hotá báñgidiyar Hédmot (Translating and Interpreting Service) ot koól goró (TIS) **131 450** nombór ót. TIS óttu hotá báñgidouya ekzon e tuáñre modot gorí faribóu oinno hédmot ókkol lói taaluk goríbélla, mogor TIS é mocuwara diya nogoré. Koól beggún maana ar gufoniya.